



## МЕСЯЦА СЕНТЯБРЯ В 4-й ДЕНЬ

Святаго священномученика Вавило,  
епископа Великия Антиохии.  
И святаго пророка и боговидца Моисея

### ВЕЧЕР

На Господи, возвах: стихиры на 6, глас 6.

Подобен: Все отложше:

**В**ровию обagrив / твою священную одѣжду, / вшел еси во Святая Святых, / свят ты быв, Вавило славне, / и яве всегда наслаждаеся обожения, / украшаемь и мучением сияя, / и Ангел показуеся / чистейшими причащением. / Тем ты чтим / и любовию празднуем / твоё священнейшее торжество, // достоблаженне.

**Ж**елѣзом окóван, / непретковенно стезю шествовал еси, преподобне, / к Небесному Граду ведущую, / честными ранами, / Вавило всемудре, / якоже утварию обложен. / В негоже вшел, яко победитель истиннейший, / и мученик непобедимь, / и священнодейственник священнейший, / поѣши со Ангелы / песнопение Божественное чисто: // Свят, Свят, Свят, Троице Единосущная.

**С**таду предстательствуя / словесному, иерарше, / палицею знания / на злаце воспитал еси сие веры, / и от зверей спасл еси, / и Бога возвеселил еси, / с высоты ты паствующаго, / Егоже пред безбожными, блаженне, проповедуя, / яко незлобиво заклался еси агня, радуяся, / с незлобивыми отроки, / и привелся еси с ними жертва благовонна всецела, // Вавило всечудный.

### Ины стихиры пророка, глас 4.

Подобен: Званный свѣше:

**Н**аучився Божиим тайнам, / доброты неизреченныя и славы чудесем, / Моисее боговидче всехвальне, /

сѣньми и начертáнии/ и во образех сия провозвестил еси,/ тем Божественнаго сияния Первоначальнаго Начáла/ безобразными образы и невещественными вещьми/ вводиши воображенная нам,/ и, еже обожитися над фараоном,/ яко Бог, блаженне,/ обѣтом и благодáтию стяжав, // моли о всех чтущих тя.

**Ты,** добродѣтелями превшед,/ в видѣнии был еси близ всех Бóга,/ посредѣ вѣтра и мрáка же и об́лака внутрь быв,/ весь прослáвился еси./ Оттúду прият скрижáли Божественных Писáний/ и равноáнгельно благодáтию/ ясно блиста́еши душевными очесы,/ вку́пе и телесными,/ и спокрыва́еши зловѣрное ослеплѣние,/ являя вѣрным откровѣние,/ ты и слóвом подава́еши, // моли спастися нам.

**В** богодѣльней и огненосней/ Божественней любви/ был еси собесѣдник,/ яко Дрúгу друг, Бóгу,/ и, лицем к Лицú, Моисее треблаженне,/ на Творца своего возрѣв,/ видиши задняя зарею Сего́ яве/ и, чрез сква́жню навыкнув,/ плóтию Сло́ва б́удущее тебе Богоявлѣние./ Тѣмже и столп предыдýй,/ преслáвно пред людьми богомúдрыми предхóдиши // и спаса́еши вѣрно хвалящия тя.

### **Слáва, священномúченика, глас 6. Самогласен:**

**Восхóдный степѣнь/ Цѣрковь** стяжá священныя твоя подвиги,/ священномúчениче Вавило,/ ю́же и храниши незыблену и ненавѣтну от волков держáвных,/ проповѣдующую дóблести твоя/ и велича́ющую с тобою младѣнцы, // за Христа́ заколѣнныя с тобою, блаженне.

### **И ны́не, Богорóдичен или́ Крестобогорóдичен.**

**Подóбен: Триднѣвен:**

**Зачáтие** Твое́ безсѣменно/ и рождѣние безболѣзненно помышляющи,/ удивляюся зело:/ како́ сйце, яко злодей,/ благоволил еси́ умрѣти, Сы́не? // Пречы́стая зыва́ше.

### **На стихóвне Окто́иха.**

### **Слáва, священномúченика, глас 6:**

**Суди́щу** мучителеву предстоя/ и подвизаяся за благочѣстие, зывáл еси́:/ се аз и дѣти, яже мне даде́ Бог;/ с ними́же венчáвся на Небесѣх,/ Вавило́ священномúчениче,/ моли́ непрестáнно, // сетей врага́ избáвитися душáм нáшим.

## И ныне, Богородичен или Крестобогородичен.

Подобен: Трдневен:

Люди беззаконнейшия, / без правды пригвождающия Тя на Древе, / Дева и Чистая Мати Твоя зрящи, / якоже Симеон прорече, // утробою, Спасе, уязвляшеся.

### Тропарь, глас 4:

**И** нравом причастник, / и престолом наместник апостолом быв, / деяние обрел еси, богодухновенне, / в видения восход: / сего ради, слово истины исправляя, / и веры ради пострадал еси даже до крове, / священномучениче Вавило, / моли Христа Бога // спаси души наши.

### И пророка, глас 2:

**П**ророка Твоего Моисея память, Господи, празднующе, / тем Тя молим: // спаси души наша.

### Или сей, глас тойже:

**Н**а высоту добродетелей возшел еси, пророче Моисее, / и сего ради сподобился еси видети славу Божию, / скрижали благодатныя Закона прият, / и начертаний благодать в себе нося, / и пророков был еси честная похвала // и благочестия великое таинство.

## НА УТРЕНИ

### Канон Октоиха един и святых два.

#### Канон священномученика. Иоанна монаха. Глас 6.

#### Песнь 1

**Ирмос:** Яко по суху, пешешествовав Израиль / по бездне стопами, / гонителя фараона / видя потопляема, // Богу победную песнь поим, вопияше.

Своими кровью, яко Моисей Черное море, безволненно прошед, Вавило блаженне, / Богу победную песнь вопиял еси: / воспойм Господу, яко прославися.

**Т**ы земных преобидел еси желание, / Божественному повинув желание, еже жити, Вавило блаженне, / Христову грядый видети красоту.

**П**ребожественныя Троицы яко сый рачитель, / с тремі умерл еси отроки, радуяся, Вавило блаженне, / присно приводя души сия желанием.

**Богорóдичен:** Своегó приёмши Содётеля, яко Сам восхотé,/ из безсе́меннаго чре́ва Твоегó па́че ума́ воплоща́ема, Чíстая,/ тва́рей и́стинно показáлася еси́ Влады́чица.

**Ин канóн проро́ка, егóже краегранéсие:**  
**Моисéй, проро́ков пёрвый, да похва́лится словесы́.**  
**В Богорóдичнах же: Клі́ментово. Глас 4.**

### Песнь 1

**Ирмос:** *Мóря чермну́ю пучи́ну/ невла́жными стопáми/ дрéвний пешешéствовав Изра́иль,/ крестообра́зными Моисéевыма рука́ма// Амáликову си́лу в пусты́ни побе́дил есть.*

Моисéй проро́ков да восхва́лится пёрвый,/ яко пред Бóгом бесéдовав пёрвый я́ве лицём к Ли́цу,/ не в гада́ниих речéний, но яко в ви́де плóти ви́дев Тогó.

Яко божéственна народоводителя и избáвителя ты/ рóду твоёму́ Изра́илю, Моисее́ боговídче, даде́ Бог,/ Отцу́ якоже помолíся,/ обетовáния помáзанием провозвещáя твоё рождéние.

Мúдрости ты сокрóвище обретóша рóдныя добродéтели, сокровéно знáнием Бóжиим,/ якоже в ковчезе́, боговídче Моисее́;/ тем ты воспитáше царíца и Божéственный Прóмысл.

**Богорóдичен:** Устраши́ся Моисéй, ви́дев преслáвное в пёрвых видéние,/ купинé и пла́меню стрáнное смéшение, Бóга из Дéвы Мáтере прообра́зующее Нетлéннаго,/ Егóже, мину́в временá, ви́де плóтию.

### Песнь 3

**Ирмос:** *Несть свят,/ якоже Ты, Гóсподи Бóже мой,/ вознесы́й рог вёрных Тво́их, Бла́же,/ и утвердívый нас на кáмени// исповédания Твоегó.*

Несть свят, якоже Ты, Гóсподи Бóже мой,/ возвы́сивый рог вёрнаго Твоегó Вавíлы/ и венчáв егó венцём исповédания Твоегó.

Мучеников бысть крéпость, Гóсподи, Крест Твой,/ утвердívый óтроки с блажéнным Вавíлою/ и низложívый те́ми прелести безбóжныя дерзости.

Крéпость оскуде́, Христé, дяво́ля в конéц:/ незлóбивыми бо детьми́ и божéственным Вавíлою побежда́ется крéпкий/ и посмева́емь есть, от них поругáемь.

**Богородичен:** Божественнаго рождества Твоего, Чистая,/ всякий естества чин преходит чудо:/ Бóга бо преестественно зачала еси во утробе/ и, рóждши, пребываеши Приснодéва.

**Ин**

**Ирмос:** Лук сильных изнеможе,/ и немощствующи препоясашася силою, // сего ради утвердися в Господе сердце мое.

Весьма неизреченнаго знания исполнился еси, боговидче,/ Дух Святы́й чрез Ангела/ древних научи́ ты знанию ясно.

Носый́ светло Божественныя зары́,/ богознаменьями удивил еси Египет,/ претворяя стихий пресла́вне естество, премудре.

Озаряет красное доброты твоея/ от Божественныя зары́ светлое, блаженне, жительство/ и к Божественней несы́тно вся привлече́ красотé.

**Богородичен:** Взятся еси́ страшным видением ко ужасному зрению, премудре,/ но возбранй́ глас Господа,/ рóждшагося из Дéвы плóтию.

**Конда́к проро́ка, глас 2:**

**Л**ик пророческий с Моисеем и Аароном/ веселием днесь веселится,/ яко́ конец пророчества их на нас исполнися:/ днесь сияет Крест, имже нас спасл еси; // тех моли́твами, Христе́ Бóже, помилуй нас.

**Седáлен священномученика, глас 3.**

**Подобен:** Божественныя веры:

Точа́ веры исповедание, прелесть угасил еси́ злосла́вия, обличив идо́льское безбо́жие,/ и, всесожже́ние Божественное быв, чудотворе́нми ороша́еши концы:/ óтче преподо́бне, Христа́ Бóга моли́ даровати нам ве́лию ми́лость.

**Сла́ва, ин седáлен, проро́ка, глас 4:**

Проро́ков всех ты пер́ваго яко́ суща, благоче́стно ве́дуще, восхваля́ем ве́рнии:/ пер́вый бо Бóга видел еси́,/ яко́же мо́щно бя́ше челове́ку видети.

**И ны́не, Богородичен:**

Пречы́стыя ру́ки Твоя́, Дéвомати, простéрши,/ покрый́ упова́ющия на Тя и Сы́ну Твоему́ зову́щия:/ всем пода́ждь, Христе́, ми́лости Твоя́.

### Крестобогорóдичен:

На Дре́ве ви́дящи воздвѣжена Сы́на Твоего́, Пре-  
чи́стая, / утробо́ю ма́тернею растерза́ема, жа́лостно  
взыва́ла еси́: / увы́ Мне, ка́ко заше́л еси́, Све́те Мой  
безле́тный?

### Песнь 4

**Ирмо́с:** Хри́сто́с моя́ си́ла, / Бог и Госпо́дь, / честна́я  
Це́рковь / боголе́пно поёт, взыва́ющи, // от смы́сла чи́ста  
о Го́споде пра́зднующи.

Хри́сто́с моя́ си́ла, Бог и Госпо́дь, пред суди́щем  
вопиа́л еси́, / мучи́тельских преще́ний небо́язнен, свя-  
щенному́чениче Вавило́, / в Го́споде ра́дуяся.

Же́ртву непоро́чну, стра́шну, безкро́вну Го́споде  
прино́ся, / и себѣ сама́го заколе́ние кро́вию, священно-  
му́чениче Вавило́, / нескве́рно привѣл еси́.

Дете́й, преподо́бне, младо́е мудрова́ние, я́ко мудр  
детоучи́тель, / духо́вным воспита́в млеко́м, священ-  
ному́чениче Вавило́, / в соверше́ние испра́вил еси́.

**Богорóдичен:** Я́ко и́стинно неवेशа́нна и непости́жна /  
Твоего́, Богорóдице, благоле́пнаго су́ть рождества́ / су́-  
щим на земли́ и на Небеси́, Присноде́во, та́инства.

### Ин

**Ирмо́с:** Вознесе́на Тя ви́девши Це́рковь на Кресте́, /  
Со́лнце пра́ведное, / ста в чи́не своѣм, / досто́йно взы-  
ва́ющи: // сла́ва си́ле Твое́й, Го́споди.

Гугна́нию язы́ка и гла́са твоего́ уясни́вшуся Боже́-  
ственным Промы́слом, богови́дче, / витя́я та́ин Бо́жиих  
яви́лся еси́ глаго́лы / и рана́ми я́звил еси́ Египет.

Коль пресла́вно зва́ние твое́, о богови́дче! / Коль  
стра́шна дела́ твои́х чудес! / Яви́ся бо Сый тебе́ Бог /  
и, сла́вою возвы́сив тя, Изра́илю спаси́теля посла́.

Вся́каго перво́родна порази́л еси́ египетскаго, / я́ко  
Хри́сто́с де́монов умертви́ держа́ву: / о́браз бо бу́ду-  
щаго тобо́ю де́йствуемая и́стинно бы́ша, сла́вне.

**Богорóдичен:** Не приближа́йся се́мо, Моисе́й слы́-  
шав, / Бо́жию гла́су вопию́щу из пла́мене купины́: /  
свя́то бо ме́сто в ле́поту преднаписа́ / плóтию роди́тися  
Хри́сту́ из Чи́стыя.

## Песнь 5

**Ирмос:** *Божиим светом Твоим, Блаже, / утренюющих  
Тя души / любовью озари, молюся, / Тя ведети, Слове  
Божий, / истинного Бога, // от мрака греховного вызы-  
вающая.*

**Божественную** благодать Твою, Иисусе, / священно-  
мученик Вавила истинно с высоты приише, / яко и дети  
юныя к Твоей любви приведе и смерти к преобидению.

**Божественным** знанием Твоим осиявся, / священному-  
ченик Вавила вся учае, Господи, / Тя ведети, Единого  
Бога, Сущо Господа, / от мрака и лести зывающая.

**Божественным** избранием Твоим прознаменовся  
священномученик Вавила словесное пасти стадо Твое, /  
Тебе приносит, Слове Божий, кровь свою, / к стези спа-  
сения всех мудре путеводя.

**Богородичен:** Богородицу Тя от души, Владычице  
мира благая, исповедующия спасай: / Тя бо Пред-  
стательницу непобедиму имама, / сущую Богороди-  
тельницу.

## Ин

**Ирмос:** *Ты, Господи, мой Свет, / в мир пришел еси, /  
Свет Святый, обращаая из мрачна неведения // верою  
воспевающая Тя.*

**Ударяеши** Чермное и твориши разделения многая /  
жезлом твоим, о боговидче, / да покажеши в сем Кресте  
Божественную силу.

**О,** дерзновения прелюбезнаго! / О, простоты души  
чистыя! / Аще познал еси мя паче всех, к Богу боговидец  
рече, / разумно мне явися.

**Каменем** покрывся, не видел еси Божия Лица, / яко  
утаена, о боговидче, / воплощение же познал еси Слова,  
яко задняя.

**Богородичен:** Вшел еси чувственне во мрак / и навькл  
еси неизреченная, о боговидче, / яко хощет из Девы  
Бог плотию родитися, Спас.

## Песнь 6

**Ирмос:** *Житейское море / воздвизаемое зря напастей  
бурею, / к тихому пристанищу Твоему притек, вопию  
Ти: / возведи от тли живот мой, // Многомилостиве.*

**Житѣйское море прелѣстное зря волнѹемо бурею,/ Вавѣла, преслѣвнѣй страдѣлец, вопѣяше:/ возведѣ из тли жизнь мою, Многомѣлостиве.**

**Христу подобяся, за паству дѹшу твою предал еси,/ о слѣвнѣй мѹчениче и страдѣльче, Вавѣло блаженне,/ и прелѣстнѣя стѣны разорѣл еси.**

**Детѣй непостоянное утвердѣ мѹдре/ своими страданѣми Вавѣла, приснопѣмѣтнѣй страдѣлец,/ к жизни Небѣсней от землѣи преводѣя, преслѣвнѣй.**

**Богородичен: Пречѣстая Владѣчице, рѣждшая земнѣм Кѣрмчию Гѣспода,/ страстѣй моих непостоянное и лѹтое укротѣ смущѣние/ и тишину подѣждь сѣрдцу моему.**

### Ин

**Ирмос: Пожру Ти со гласом хвалѣния, Гѣсподи,/ Церковь вопѣет Ти,/ от бесѣвскѣя крѣве очѣщшися/ ради мѣлости от ребр Твоѣх// истѣкшею Крѣвию.**

**Вѣинство стяжав Бѣжие Израѣиль сѣльное,/ седмѣ ѹбо злѣбы хананѣйскѣя язѣки погубѣл еси,/ лѹдем ты в наследѣе дав зѣмлю их.**

**Неизглаголанно вшед во мрак Божѣственный, Моисее,/ идѣже Бог бѣше, зовѣй тя,/ писаннѣя скрижаѣли пѣрстом Егѣ законнѣя приѣл еси,/ ѣко велик угѣдник Егѣ.**

**Постаѣи послѹшати Бог гласа Своегѣ боговѣдца Моисѣя,/ Себѣ Самѣго емѹ явѣв,/ да покажет страшное со слѣвою таѣнство Свое.**

**Богородичен: Мѣнием Божѣственным Тя преднаписѹет Моисѣй слѣвнѣй/ ковчѣг, Богородице, зарѣями Дѹха всѹду, ѣко златом, покровѣн/ в слѣву Бѣжию.**

### Кондак священномѹченика, глас 8.

**Подобен: Яко начѣтки:**

**Я**ко благѣстѣя проповѣдника и страдѣльцев утверждѣние,/ Церковь слѣвит тя, Вавѣло слѣвне, освещѣема днесь;/ но, ѣко имѣя дерзновѣние ко Гѣсподу,/ в мѣре совершѣнном величѣющѣя и восхваляющѣя тя сохранѣти Христу// моѣся, о многострадѣльне.

### Икос:

**Мирскѹю ѣве суетѹ помышляя, мѣра отчуждѣннѣй,/ и Страсти Христѣвы подражав, плотскѣя страсти**



умертвил еси, / и, крест твой взем, последовал еси, мучениче, Зиждителю моему, / и, пребывая с Ним ныне, молися о чувствующих ты истинно, / о многострадальне.

### Песнь 7

**Ирмос:** Росодательну убо пещь / содела Ангел / преподобным отроком, / халдеи же опаляющее / веление Божие мучителя увещая вопити: // благословен еси, Боже отец наших.

Небесная чиновачалия днесь, / победоносцы зряще юныя на прелесть и чуднаго Вавилу, / вопияху срадуящеся Христу: / благословен еси, Господи Боже отец наших.

Владычня светоносная уясни благодать сошедшияся верныя, / венценосный же славный Вавила повелевает срадуящимся вопити: / благословен еси, Господи Боже отец наших.

Мучителей убо недоумяшеся умышление, помоществовати не сущим богом, / Пресвятей же Троице чудный Вавила повелевает вопити: / благословен еси, Боже отец наших.

**Богородичен:** Тобою, Мати Деве, Свет возсия вселенней светел: / Ты бо Зиждителя всех родила еси, Бога, / Егоже моли, Всечистая, низпослати нам, верным, велию милость.

### Ин

**Ирмос:** В пещи авраамстии отроцы персидстей, / любовьию благочестия паче, / нежели пламенем, опаляеми, зываху: // благословен еси в храме славы Твоея, Господи.

В боговидениях неизглаболенных Божественный писатель быв, / весь мудрый вид скинии ты словом ухитрив, / началоздателю Веселейлу предложил еси деяние, боговидче Моисее.

Священствовати дерзнув Коррей с тобою, явился низшед во ад жив, / всежребийно Богу тебе честное, Моисее, хранящу, / царствия и священства вкупе.

Воеводствуящу тебе иудейскому языку древле, Моисее, / явился Михайл, начальник Небесных и тела твоего Божественный хранитель: / злоначальника бо противоглаболюща той посрами.

**Богорóдичен:** Аарóнов Тя Божéственный жезл прозябнути показá всем, Богорóдице,/ решéние грехóв, очищéние бо земным была еси,/ я́коже роптáвшим на Бóга óно стра́шное прещéние.

### Песнь 8

**Ирмós:** Из пла́мене преподóбным рóсу источíл еси/ и праведнаго жéртву водо́ю попалíл еси:/ вся бо тво́риши, Христé, тóкмо е́же хотéти, // Тя превозно́сим во вся вéки.

Бóга Отца́ Содéтеля, Единосу́чна Сы́на и Бóжия Ду́ха/ в пла́мени ю́ноши пéти повелева́ются:/ да благосло́вит Гóспода вся тварь и превозно́сит во вся вéки.

Па́мь днесь, бра́тие, священномученика Вавíлы/ я́же в пла́мени ю́ноши пéти повелева́ют:/ благосло́вите Гóспода, вся дела́, и превозно́сите Его́ во вéки.

Ю́нии днесь ученицы́ иере́я и мученика Вавíлы с ста́рцем венча́вшеся,/ в пещи́ ю́нош песнь пéти повелева́ют:/ благосло́вите Гóспода, вся дела́, и превозно́сите Его́ во вéки.

**Богорóдичен:** Бóга родила́ еси́ плóтию, содержа́щаго руко́ю вся,/ и на объ́ятиих Сего́, Дéво, носíла еси́,/ Его́же поём́ я́ко Гóспода, дела́, и превозно́сим во вся вéки.

### Ин

**Ирмós:** Ру́це распротéр, Даниíл/ львов зия́ния в рóве затчé;/ óгненную же си́лу угасíша,/ добродéтелию препоя́савшеся,/ благочéстия рачíтели, óтроцы, взыва́юще:// благосло́вите, вся дела́ Господня́, Гóспода.

Угóдник íстинно Бóжий, я́ко крóток, слы́шал еси́ и дéлы был еси́,/ тем познан́ бысть тебе́ Господь па́че всех проро́ков, Моисéе,/ и, вселíвсь в тя, вéрно пéти научи́:/ благосло́вите, вся дела́ Господня́, Гóспода.

Я́ко тайнник Бóжий и служíteль и царь Израíлев, Моисéе боговídче, я́влься,/ Христа́ проповéдал еси́ приити́ в плóти,/ прописáв Его́ в себе́ стра́шное и Божéственное Пришéствие,/ Его́же и óбраз одушевлéн я́вился еси́ я́ве, и проро́к вéрен.

Сло́ва проро́чеством лю́ди и Зако́на повелéнными наста́вил еси́ вéрно,/ зна́меньми и чудесы́ напра́вив и чудес показáнии:/ от Бóга бо показáвсь начальник,

боговѣдче Моисее;/ тем приложился еси ко отцем твоим со славою мною.

**Богородичен:** Никтоже предуслыша прежде тебе, боговѣдче славне Моисее, угодниче Христов,/ зане вся изрек еси Девы смотрения,/ прописующия Тоя Божественное рождество,/ в пламени бо купины видел еси зрак невидимый.

### Песнь 9

**Ирмос:** *Бога/ человеком невозможно видети,/ на Негоже не смеют чини ангельстии взирати;/ Тобою же, Всечистая, явися человеком/ Слово воплощено,/ Егоже величающе, // с Небесными вои Тя ублажаем.*

Бог человеком путь показа Крестом к высотѣ Небесней благовосходен,/ сего ради смерть побеждается земными,/ дети бо юныя сея не убоишася, с чудным Вавилою, яже ублажаем.

Яко Свет сый, Христе, Всечистый, страстныя мглы душу мою очисти/ молитвами, Владыко, Твоих страстотерпец, Вавилы и детей,/ ихже летнюю память совершающе, благославно торжествуем.

Страстей врачевания почерпем, славней Церкви страдалец притекающе:/ в ту бо приидоша ангельстии лица, и души праведных всех,/ и Владычица с чудным Вавилою, врачевания подавающи.

**Богородичен:** Сына, безлетно от Отца возсиявша, Ты, во чреве несказанно зачѣнши, родила еси,/ Богомати Чистая, Дево Пресвятая,/ моли о рабѣх Твоих Единаго Человеколюбца Бога, спасти род наш.

### Ин

**Ирмос:** *Камень нерукосѣчный/ от несекомыя горы, Тебе, Дево,/ краугольный отсечеса,/ Христос, совокупивый разстоящая естества. // Тем, веселящися, Тя, Богородице, величаем.*

Был еси, боговѣдче, самовидец Господень и по смерти,/ не во мрачных гаданиих, яко в камени первее,/ но в человечестей плоти Христа видел, облистающе Божеством.

Гора Фавор прославися паче Синайския богато,/ идеже Моисей из мертвых и Фесвитянин от стран живущих/ Христа со апостолы зряху преобразующася, яко Сущо Бога.

**Спаси́ мя мѣлостивною твоѣю моли́твою и моли́тв дерзнове́нием,/ я́ко Израї́ля от бед, Моисѣе бого-вѣдче, и лю́тых, и ну́ждных,/ христиа́н исполне́ние от вся́каго вре́да, пою́щих Тя.**

**Богоро́дичен:** Ста́мну Тя злату́ю, и скрижа́ль, и Божѣственную трапе́зу, Де́во,/ пе́рвее Моисѣ́й напи́сав, я́ве показоваше Бо́га родѣтися из Тебе́,/ Егѣже вѣдевше плѣтию, ве́рно песнь сконча́ем Твою́.

### Свети́лен.

**Подѣбен:** Не́бо звезда́ми:

**Жрец кúпно и же́ртва, Вавило, яви́лся еси́ Бо́жия,/ жря Емú безкро́вно и свои́ми кровью́ пожѣрся с соверше́нными младенцы́,/ с ни́миже Тя ны́не восхваля́ем.**

**Богоро́дичен:** Твоему́ образу, Де́во, не покланя́ющися, и Сы́на и Бо́га Твоего́, ве́рою чи́стою/ низложи́, я́ко безбо́жныя, и ге́енне преда́ждь.

## НА ЛИТУРГІИ

**Прокі́мен, глас 4:** Святы́м, и́же суть на землі́ Егѣ, // удиві́ Господь́ вся хотѣ́ния Сво́я в них. **Стих:** Предзрѣ́х Го́спода предо мно́ю вѣ́ну. **Апѣстол ко Евре́ем, зача́ло 330.** Аллилу́я, **глас 4:** Возва́ша пра́веднии, и Господь́ услы́ша их. **Ева́нгелие от Луки́, зача́ло 67.** **Прича́стен:** Ра́дуйтєся, пра́веднии, о Го́споде:

**Святой священномученик Вавила** († 251) был епископом в Антиохии и пострадал при императоре Нумериане. Вместе с ним пострадали три отрока — Урван, Прилидиан, Епполоний — и мать их Христудула.

Однажды Нумериан совершил бесчеловечный поступок, принеся в жертву языческим богам юношу, царского сына, бывшего у него заложником и вверенного его попечению. В это время святой Вавила совершал Божественную литургию и поучал христиан твердо и безбоязненно исповедовать веру во Христа Спасителя. Когда после своего преступления Нумериан захотел проникнуть в христианский храм, святой Вавила не допустил его вступить внутрь, сказав: «Не должно тебе, идолопоклоннику, входить в храм Бога Живаго и осквернять его своим присутствием». На другой же день

Нумериан приказал сжечь христианскую церковь, а святого Вавилу призвал к допросу, упрекая его за дерзость и убеждая принести жертву языческим богам. Однако святой епископ был непоколебим и обличал императора в его нечестивых заблуждениях. Тогда Нумериан подверг святого жестокому оскорблению, которые, однако, не сломили непреклонную христианскую волю святителя.

У святого Вавилы было три ученика, три родных брата: Урван, Прилидиан, Епполоний — мальчики 12, 9 и 7 лет. Они не отходили от своего учителя и были при нем во время казни. Заметив мальчиков, Нумериан повелел им принести жертвы идолам, а также приказал привести и мать их Христудулу. Несмотря ни на какие уговоры, Урван, Прилидиан и Епполоний со своей матерью бестрепетно исповедовали веру во

Христа и не согласились поклониться идолам. Тогда на их глазах Христу начали бить по лицу, а детям стали наносить жестокие удары по числу лет каждого. После этих надругательств мучители привели святого Вавилу и хотели обмануть его, утверждая, что ученики его уже поклонились идолам. Святой епископ обличил их ложь, говоря, что дети хорошо наставлены в началах христианства, так что нельзя отторгнуть их от веры во Христа. Тогда Нумериан, отпустив мать, велел повесить святого Вавилу и отроков и жечь их тела огнем. Укрепляемые силой Божией, святые терпеливо переносили мучения. После пытки святого Вавилу заперли отдельно, а детей старались всяческими ласками

уговорить отречься от Христа, но тщетно. Тогда всех мучеников осудили на смертную казнь через усечение мечом.

Тела святых мучеников были погребены вместе, и с ними вместе были положены вериги и оковы святого Вавилы, свидетельствующие о перенесенных им страданиях и твердом исповедании имени Христа Спасителя. Впоследствии царь Галлий перенес мощи святого Вавилы и отроков в Антиохию и положил в месте, называемом Дафне. Позднее император Юлиан Отступник приказал христианам унести мощи святых из Дафне, после чего находившийся там храм Аполлона вскоре сгорел вместе с изваянием языческого божества.



В  
ТОЙЖЕ  
ДЕНЬ

## Обрѣтение мощей святителя Иоаса́фа, епископа Белогра́дскаго

### НА МА́ЛЕЙ ВЕЧѢРНИ

#### На Го́споди, воззва́х: стихи́ры, глас 1:

**В**оспойм, бра́тие, светлопра́зднственную песнь,/ новоявле́ннаго уго́дника Бо́жия ублажа́юще/ и к тому́ вознося́ще моли́тву,/ во е́же очисти́ти серде́ц на́ших очеса́// и па́мятию чудес егó просвети́ти ду́ши на́ша.

**Иоаса́фе, уго́днице Христовъ,/ всех добродѣтелей подви́жник был еси́,/ на земли́ ўбо ско́рби понесъ,/ на Небеси́ же ра́дость вѣчную от Бо́га приѣмъ,/ услы́ши молѣние чад твои́х// и моли́ спасти́ и просвети́ти ду́ши на́ша.**

**Ни́щия и ско́рбныя возлюбивы́й/ и о грѣшных лю́дех моли́тву всегда́ возноси́вый,/ сам от Христа́ возлюблен был еси́,/ Иоаса́фе святителю:/ помина́й нас, по́двиги твоѧ почита́ющих,/ и моли́тву сотвори́ ко Го́споду// спасти́ и просвети́ти ду́ши на́ша.**

**Кто исчи́слит мно́жество исцелѣний,/ от чудотворныхъ мощей твои́х источаемыхъ, уго́днице Христовъ?/ Кто не подиви́тся вели́кому твоemú заступлѣнию?/ Ко́е ли се́рдце челове́ческое любви́ю твою́ не умилится?/**

Дивно просла́вился в тебе́ Госпо́дь, // просвещáяй и спаса́яй ду́ши на́ша.

**Сла́ва, глас 6:**

О́трочеству твоему́ начен́шуся, преподо́бне, / под кров Влады́чицы при́ят был еси́, / я́коже роди́тель твой видением в том уве́рися; / сконча́вшуся же земно́му жити́ю твоему́, / ино́е видение лю́ди уверя́ет, / я́ко дух твой просла́влен есть от Бо́га. / Тому́ и о нас моли́ся, святителю Христо́в, // поми́ловатися душáм на́шим.

**И ны́не, Богородичен, глас то́йже:**

Богороди́це, Ты еси́ лозá и́стинная, / возрасти́вшая нам Плод живото́та, / Тебе́ мо́лимся: моли́ся, Влады́чице, / со святы́ми апо́столы, // поми́ловати ду́ши на́ша.

**На стихо́вне стихи́ры, глас 2.**

**Подобен:** До́ме Евфра́фов:

Иоаса́фе, святителю Бо́жий, / моли́твы непреста́нныя кади́ло / и предста́телю о лю́дех тепле́йший, / и нас, пою́щих тя, не отри́ни, // но помо́щник бу́ди нам при́сный.

**Стих:** Блаже́н муж, бойся Го́спода, / в за́поведех Его́ восхо́щет зело́.

Воспо́йм, бра́тие, / уго́дника Христо́ва Иоаса́фа, / того́ подвижа́юще на моли́тву / от бед изба́витися нам // и дарова́тися нам пре́жде конца́ пока́йнию.

**Стих:** Свяще́нницы Твой облеку́тся в пра́вду, / и преподо́бнии Твой возра́дуются.

Не довле́ют тебе́, святителю Христо́в, / челове́ческая благохваления́, / зане́ от Пречи́стыя Богороди́цы / во млады́х лётех твои́х // я́ко избра́нник Бо́жий свиде́тельствован был еси́.

**Сла́ва, глас 6:**

Преподо́бне о́тче, / во всю зе́млю изы́де вещáние исправле́ний твои́х, / те́мже на Небесе́х обре́л еси́ мзду трудо́в твои́х, / де́монская разори́л еси́ по́лчища / и дости́гл еси́ чино́в а́нгельских, / ихже жити́ю непоро́чно поревнова́л еси́. / Дерзнове́ние имéя ко Христу́ Бо́гу, // мир испроси́ душáм на́шим.

**И ны́не, Богородичен, глас то́йже:**

Вели́ких дарова́ний, Чи́стая Де́во Богома́ти, Ты сподо́билася еси́: / я́ко родила́ еси́ плоти́ю Еди́наго

от Троицы Христа Жизнодавца, / во спасение душ наших.

**Тропарь писан на велицей вечерни.**

### НА ВЕЛИЦЕЙ ВЕЧЕРНИ

**Блажен муж: 1-й антифён.**

**На Господи, возвах: стихиры на 8, глас 8:**

**Дивен Бог во святых Своих, / в родех христианских чудодействуяй / и новыя избранники Своя являяй: / зрим бо и ныне Иоасафа угодника / от Христа прославляема, / и красотю добродетелей своих страну нашу озаряюща, / и дерзновение велие имуща / мир вселенней даровати // и душам нашим велию милость.**

**Лик святых Твоих, Господи, на Небесех умножися / преставлением святителя Твоего Иоасафа, / егоже и на земли Церковь воспеваёт: / того убо молитвы о нас прими, Человеколюбче, // яко имеяй велию милость.**

**Нощней тьме огустевающей, / умножается звездный блеск / и к тому очи заблуждших радостно возводятся; / тако и умножившейся на земли греховней тьме, / возведём горе очи наши, братие, / и, сияние добродетелей святителя узревше, / к Небесному Отчеству потщимся, / егоже да не лишит Господь нас, грешных, // имеяй велию милость.**

### Глас 5:

**Подобен: Радуйся:**

**Радуйся, священная главо, / святителю Божий Иоасафе, / пастырей богомудрое правило / и иноков наставниче предобрый; / радуйся, болящих целителю преславный / и скорбящих утешителю милостивый. / Молися присно ко Господу / и нам подражателем тебе быти / и, греховная вся презревшим, // Единому Богу работати.**

**Радуйся, страстей сопротивоборче / и духовнаго делания трудниче; / радуйся, праведниче, смиренномудрия исполненный, / гордых мира сего обличителю / и ленивых грозный карателю. / Не престаи моляся ко Господу о нас, // во еже спастися нам.**

**Радуйся, Небесный жителю, / на землю милостивным оком призираяй / и молитвы певцев твоих приемляй; / радуйся, очеса твоя всегда на Небо возводящий /**

и о земных стяжаниях небрегий./ Научи́ убо и нас,  
святителю Христовъ,/ на Небесех сокровище стяжати//  
и твою тамо славу яве узрети.

### Слава, глас 2:

Кийми похвальными венцы/ увенчаем святителя  
Христова,/ Господню славу непрестанно возвещавшаго/  
и благочестие правое повсюду насадившаго,/ заповедей  
Христовых живую скрижаль,/ на лица  
человеков не взиравашаго,/ но души всех ко спасению  
приводившаго;/ сего бо венцы нетленными венчает  
Христос Бог наш,// имеяй велию милость.

**И ныне, Богородичен, глас тойже:** Прейде сень  
законная:

### Вход. Прокимен дне и чтения три святительская.

Притчей чтение: Память праведнаго с похвалами:  
Премудрости Соломоновы чтение: Уста праведнаго  
каплют премудрость: Премудрости Соломоновы чте-  
ние: Похваляему праведнику, возвеселятся люди: (*зри  
страницы 205–208*).

### На литии стихира храма. И святого, глас 1:

Подобаше непорочно соблюденному святителя дев-  
ственному телу/ и нетлением вечным прославиться:/  
сие бо, добродетельми преподобнаго очищаемо,/ еще  
живу ему сущу,/ храм Святого Духа бывает/ и по пре-  
ставлении его источник чудесных дарований является,/  
имже со умилением дивящися,/ ко угоднику вознесем  
молитву// о спасении душ наших.

### Слава, глас 6:

Дивный во святых Господь/ в житий святителя  
Иоасафа прославился,/ и по преставлении его нетлен-  
ными мощми чудодействует,/ и безчисленные люди/  
веровати и уповати на помощь Небесную научает./ По-  
тщимся убо, о братие,/ еже единого на потребу искать,/ и  
души наша покаянием очищать,/ святителя в помощь  
призывающе,// и в Троице воспеваемого Бога про-  
славляти во веки.

**И ныне, Богородичен, глас тойже:** Творец и Изба-  
витель:



### На стихóвне стихіры, глас 7:

Украсітся, чертóзи Небéснии,/ отвéрзится, двéри до́му Бóжия:/ се бо от земли вознесéся прáведная душá святітеля/ и со Ангелы водворя́ется,/ імже житиём своим поревновá./ Того́ молітвами, Христé Бóже, // пощади́ и спаси́ ду́ши нáша.

**Стих:** Честна́ пред Гóсподем // смерть преподóбных Егó.

Прáведных ду́ши в руцé Бóжией,/ и не кóснется их мýка,/ но и мёртвенное тéло прáведнаго Иоаса́фа/ тлéнию неприча́стно пребывáет/ и растлénным грехмі душáм истóчник благодáти явля́ется,/ ещé же и боля́щим здравіе дáрует,/ егда́ молітв угóдника Бóжия воспрóсят // и к нему́ с véрою притека́ют.

**Стих:** Чтo воздám Гóсподеви о всех, // я́же воздаде́ ми?

Поревну́им о благочéстии, бра́тие,/ зрим бо сіе вéчною слáвою венча́емо:/ возненавїдим горды́ню и сребролю́бие,/ я́ко, тáя отрїнув, святітель Христóв/ на Небесї́ и на землі вéчную слáву прият/ и сокровище обрéте неиздивáемое;/ тэмже и о грéшных лю́дех молітися дерзновéние/ и исцелéний благодáть от Бóга стяжá,/ да и беззакóнныя путём Бóжиим научїт, // и нечестївыя ко Гóсподу обратїт.

**Слáва, и ны́не, Богорóдичен, глас тойже:** Под кров Твой, Влады́чице:

### Тропа́рь, глас 3:

**С**вятітелю, Христú Бóгу возлю́бленне,/ прáвило véры и óбраз милосéрдия лю́дем был еси́,/ бдéнием же, постóм и молітвою,/ я́ко светільник пресвётлый, просия́л еси́/ и прослáвлен от Бóга явїлся еси́:/ тéлом ўбо в нетлéнии почивáя,/ дўхом же Престо́лу Бóжию предсто́я,/ чудесá преслáвная источáеши./ Моли́ Христá Бóга,/ да утвердїт нас в Правослáвии и благочéстии // и спасёт ду́ши нáша.

### Ин тропа́рь, глас 2:

**М**олітвенниче издётска преизря́дный,/ богоизбра́нный святітелю Христóв Иоаса́фе,/ прáвило véры и óбраз милосéрдия благочéстным житиём всем явля́еши/ и с véрою к тебé притека́ющим обїльно исцелéния

источаеши./ Моли Христа Бога,/ да утвердит правове-  
рие, мир и благочестие// и спасет души наша.

**Слава, и ныне, Богородичен.**

### НА УТРЕНИ

**На Бог Господь: тропарь святого, дважды. Слава,  
и ныне, Богородичен.**

#### По 1-м стихословии седален, глас 4:

Да возвеличится Иоасаф, святитель Христов,/ да наследит уготованное ему вечное Царство:/ той бо Христу верно служаше, о меньшей братии Его присно пекийся,/ и кающихся в любовь свою принимаше,/ и ныне молится о душах наших.

**Слава, и ныне, Богородичен:**

Теплое заступление сущим в бедах, и Помощницу нашу,/ и к Богу примирение, Еюже от тли избавимся,/ Богородицу, вернии, ублажаем.

#### По 2-м стихословии седален, глас 8:

В житий твоём, угодниче Христов, постом и труды тело твоё изнурил еси,/ сего ради по смерти твоей нетлением процветё и источник исцелений верным бываёт./ Моли прилежно Христа Бога спастись душам нашим.

**Слава, и ныне, Богородичен:**

Яко всенепорочная Невеста Творца,/ яко неискусомужная Мати Избавителя,/ яко вместилище Вышняго сущи, Всепетая,/ беззаконий мя суща скверное жилище и в разуме бывша бесом игралище/ потщися от сих злодействия мя избавити, светлое жилище добродетелию соделавши;/ Светоприемнице нетленная, отжени облак страстей/ и сподоби горния светлости и нелестнаго осияния Света Невечернаго Твоего.

#### По полиелеи седален, глас 2:

Приидите, вси вернии, почитающе память святителя Иоасафа,/ излием сердца наша в молитве,/ да пребудет с нами духом своим, и на благая деяния да наставит нас,/ и да научит искушения плоти побеждатьи и Единому Богу угождатьи.

### Сла́ва, и ны́не, Богоро́дичен:

**Божественнаго Естества не отлучься, Плоть бысть во чреве Твоём, / но Бог и вочеловечься пребысть, / Иже по рождестве Матерь Тя Деву, якоже прежде рождества, сохрани всенепорочно, Един Господь. / Того прилежно моли даровати нам велию милость.**

**Степenna, 1-й антифон 4-го гласа. Прокимен, глас 4: Уста моя возглаголют премудрость // и поучение сердца моего разум. Стих: Услышите сия, вси языцы, внушите, вси живущии по вселенней. Всякое дыхание: Евангелие от Иоанна, зачало 36.**

### По 50-м псалме стихира, глас 6:

**Непрестанною молитвою, учительным словом, / великим милосердием и добродетельным житием / образ верным был еси, богомудре Иоасафе, / всех ко Христу приводя и на путь спасения наставляя; / твоего пастыреначальства не лишь и нас, великий святителю Божий, / почитающих память твою верно.**

### Канон Богородицы на 6 и святого на 8.

**Канон святителю Иоасафу, егоже краегранесие:**

**Иоасафе святителю, молися о царя и людех.**

**Глас 4.**

### Песнь 1

**Ирмос: Триста ты крепкия, / Рождейся от Девы, / безстрастия во глубине / души тричастное потопи, молбся, / да Тебе, яко в тимпане, / во умерщвлении телесе // победное воспою пение.**

**Иоасафа святителя воспевающе подвиги, очистим помыслы ума нашего, братие, / того подвизающе на молитву о прощении грех наших / и благодатного умиления даровании.**

**О твоём благочестии измлада потщавшися, родители твои, угодниче Христов, / достойную мзду трудов своих в тебе стяжаша, / яко от младенчества твоего благочестивым нравом радость тем был еси.**

**Анне праведней уподобися отец твой, святителю: / та бо Дщерь свою во Свято́е Святы́х вводиму́ виде, / сей же ты от Тойжде Пресвятыя Богородицы архиерейскою славою венчанна / в видении чуднем познати сподобися.**

Себѣ самаго плачу окаянный аз, от юности страстѣм порабѣтився:/ помилуй мя предстательством твоим, святителю,/ от юности страсти порабѣтивый и единому Богу до смерти послуживый.

**Богородичен:** Гѣбу святую, превѣщенное носило,/ Матерь Божию и Дѣву истинную по рождествѣ воспойм.

**Катавасія 4-го сентября:** Крест начертав, Моисей:  
**10-го декабря:** Спасе люди чудодѣствуяй Владыка:  
**или:** Христос раждается:

### Песнь 3

**Ирмос:** С высоты снишел еси волею на землю,/ превѣше всякаго начала,/ и смиренное вознесл еси из ада преисподняго/ естество человеческое:// несть бо свят паче Тебѣ, Человеколюбче.

Аще и чадо послушное родителем твоим был еси, Иоасафе,/ но, Господа паче сих возлюбив, из отческаго дома спасения ради удалился еси/ и, научение книжное восприим, во обитель иноческую себе заключил еси.

Фарисейскаго возношения чужд явился еси, отче преподобне,/ монашеское же смирение от юности возлюбив, тайными подвиги плоть смирял еси/ и душу твою молитвою пред Отцем Небесным просвещал еси.

Еже жити ми Христос, и смерть приобретение,/ глагола еси в себе, Христов угодниче,/ и, болезнем плоть твою сокрушающим, труды ко трудом Господа ради прилагал еси.

Святѣе послушание восприим и священства одеждою украшен,/ Иоасаф, угодник Христов, учитель добр отроком бываает,/ словом и житием тех благочестию научая и во младых лѣтах ум зрѣлый являя.

**Богородичен:** Неискусобрачная, Бога плотию рождающая,/ страстными прилоги преклонена мя утверди:/ несть бо, Чистая, разве Тебѣ помощница.

### Седален, глас 6:

Какая добродетель не обрете в души твоей обиталища?/ Кого подвига не был еси поборник?/ Нищета бо духовная, и о Царствии Небеснем плач, и нрава кротость, и правды искание,/ и ко ближним милосердие, и сердца чистота во твоём непорочнем житии просияша./ Тех убо дарований общники ны, молящияся, сотвори/ и о

душѣх наших предстатель буди, Иоасафе, избранниче Божий.

### Слава, и ныне, Богородичен:

Благословенную нарекий Твою Матерь, / пришёл еси на Страсть вольным хотением, / возсияв на Кресте, взыскати хотя Адама, глаголя Ангелом: / срадуйтесь Мне, яко обретеся погибшая драхма. / Вся мудре устроивый, Боже наш, слава Тебе.

### Песнь 4

**Ирмос:** Седяй в славе / на Престоле Божества, / во облаце легце / прииде Иисус Пребожественный / нетленною дланию / и спасе зовущия: // слава, Христе, силе Твоей.

Вем и аз путь, ко спасению ведущий, / но лениности плоти моея не побеждаю, увы мне! / Сего ради ты, святителю, призываю в молитву, / да желание спасения во мне утвердиши.

Якорь спасения имея надежду на Господа, служение игуменское приял еси / и, к попечением о строительстве домовнем понуждаемь, / душу твою устроить ко спасению не престал еси; / сему и мене, многосуетнаго, научай, отче преподобне.

Труды ко трудом прилагая и обитель Лубенскую от разрушения воздвизая, / по земли же Российстей за милостынею странствуя, / святитель Иоасаф царьцу во благочестии утверждает / и вся люди спасению душ научает.

Имея в сердце своем присную к нищим любовь, / Иоасаф, Христов угодник, отеческое попечение о монастырских трудницах являет / и от достатка своего щедроты ближним своим отверзает.

**Богородичен:** Госпоже Всепетая, Богородительнице, / моя помышления Твоими молитвами очистивши, / покажи мя благоплодна, Мати всех Бога.

### Песнь 5

**Ирмос:** Ныне востану, пророчески рече Бог, / ныне прославлюся, ныне вознесуся, / падшаго прием от Девы // и к Свету умному возносяй Моего Божества.

Тебе, святителю Христов, молю в сокрушении сердца: / якоже в житий твоём кающияся прощал еси, /

тако, и моего сердца сокрушение зря, / умоли Господа грехом моим прощение даровати.

**Елѣнь** на истѣчники водныя устремляется, / ты же, угодниче, ко славе Церкви Христовы вся деяния и помыслы твои присно устремлял еси / и тако обители святителя Афанасия и преподобнаго Сергия / елико строением церковным, толико и благочестием братии украсил еси.

**Люди**, слышите и чудитесь угодника смиренномудрию, / сей бо святого Афанасия в видении зрит и тому вопросившу отвечает: / хочу, да мене, якоже грешника, накажеш.

**Юнаго** Соломона, не богатства, но мудрости от явившагося Господа просяща, / похваляет Вышний и вселенная присно прославляет, / но того мудрейший Иоасаф показуется, / наказания грехом своим от явившагося святителя испрошая.

**Богородичен:** Воплотися Бог по Ипостаси, Чистая, / из Тебе плоти соединяемь, пребыв неизменен, / по Божественному Существу безплотен.

### Песнь 6

**Ирмос:** Возопи, прообразуя погребение тридневное, / пророк Иона, в ките моляся: // от тли избави мя, Иисусе, Царю Сил.

**Молитвами** преподобнаго Сергия, / твоими же труды во славу святых Божиих, паче же сердца чистотою / от Господа еще на земли возвеличен был еси, угодниче, / и святительским саном во спасение паствы твоея облечен был еси.

**Огненную** ревность о исправлении церковнем / являл еси в Белоградском пределе, Иоасафе святителю; / темже и днесь подавай Церкви мир, верным утверждение.

**Любве** сыновния не отпал еси, на высоте святительства пребывая, / и родителю твоему земное поклонение воздал еси, Христу посреде вас сущу; / убо и мое смири прегордое сердце и молитвами твоими вразуми мя.

**Инок** нестяжателен на престоле архиерейства пребыл еси, святителю, / подвиги поста и молитвы умножая, доброе о себе и о людех вознося моление, / иереи же и вся люди заповедем Божиим научая.

**Богородичен:** Всякаго существа́ вѣшшее/ Слово Божіе воплощено́ нам родила́ еси;/ тѣмже Богородицу Тя устна́ми и душею́ проповѣдуем.

### Конда́к, глас 8.

**М**ногоразлічныя по́двиги житія́ твоего́ кто испове́сть?/ Многообразныя мѣлости Божія, тобою́ явленныя, кто исчѣслит?/ Дерзнове́ние же твоѣ у Пречѣстныя Богородицы и Всещѣдраго Бѣга до́бре ве́дуще,/ во умилѣнии серде́чном зове́м ти:/ не лишѣ и нас твоея́ по́мощи и заступле́ния, // святѣтелю Христовъ и чудотворче Иоаса́фе.

### Ўкос:

Пречѣстою Богома́терию от юности в сосѹд благода́ти избра́нный,/ благоче́стивым житіемъ войсти́ну до́брый па́стырь словѣсных овецъ явился еси́, святѣтелю:/ тѣмже прия́л еси́ дар исцелѣний от возлюбѣвшаго тя Христа́ Бѣга на́шего./ Сего́ ра́ди зове́м ти:/ не лишѣ и нас твоея́ по́мощи и заступле́ния,/ святѣтелю Христовъ и чудотворче Иоаса́фе.

### Песнь 7

**Ирмос:** Юноши три в Вавилоне,/ велѣние мучителево на бѹйство прелѣжше,/ посреде́ пла́мене вопи́яху:// благословѣн еси́, Го́споди, Бѣже о́тецъ на́ших.

Святѣтелю Иоаса́фу дивѣмся, о лю́дие,/ ве́дуще сего́, аки Никола́я Чудотворца, бѣдныхъ хѣжины та́йно посеща́юща,/ или́ тем дрова́ свойма рука́ма уготовля́юща,/ и биѣния от привра́тника приѣмлюща.

Язвы грехо́вныя на душа́хъ человѣческихъ провѣдел еси́, святѣтелю,/ и та́йная прегрѣше́ния ихъ с любѣвию и долготерпѣниемъ облича́л еси́;/ тѣмже и нас моли́твою твоею́ к пока́янію и исправле́нію житія́ приведи́/ и ду́ши на́ша предста́тельствомъ твоѣмъ поми́луй.

Оному́ властітелю уподо́бихся аз, окая́нный,/ ѣже, самъ беззако́нен быв, ко ўзникомъ zeló же́стокъ явля́шеся;/ но я́коже того́ научѣниемъ твоѣмъ исправи́л еси́, о́тче Иоаса́фе, святѣтелю Христовъ,/ та́ко и мене́ научѣ́ ко бли́жнимъ мѣлостива, к себѣ же же́стока бѣти.

Царя́ Небѣснаго до́брый во́ине и ста́да Христо́ва ве́рный па́стырю,/ моли́тву сотвори́ о лю́дехъ твоѣхъ,/

да тихое житиё на земли поживше,/ жизни вечныя на  
Небесех сподобимся.

**Богородичен:** Превечно от Отца возсиявша Бога  
Слова/ во утробе плотию зачэншую вси ублажаем,/   
яко Матерь всех Бога.

### Песнь 8

**Ирмос:** *Избавителю всех Всесильне,/ посреде пламене  
благочествовавшия,/ снизшед, оросил еси/ и научил  
еси пети:// вся дела, благословите, пойте Господа.*

**Афанасию** оному, тобою возлюбленному, подража-  
тель быв, святителю,/ потщался еси земное житие  
во странничестве подвиже скончати/ и, кончину свою  
прозрев, пути далекому небоязненно вдалься еси.

**Рекл** еси людем, от паствы твоея отходя: не имате  
мене жива узрети./ Темже в залог общения тамо гроб-  
ницу тебе устроить повелел еси./ И нас убо научи час  
смертный памятовати/ и о души своей попечение  
непрестанно хранити.

**Елика** твоя о монашестве житий бяше ревность,  
толика и ко твоим присным любви:/ зане не по плоти то-  
чию свой тебе быша, но и духом едином в Бозе с тобою  
явися./ Того ради восхотел еси родители твои  
прежде кончины твоея посетити/ и благословение  
Божие тем преподати.

**Игумен**, близ места твоея праведных кончины по-  
двизавыйся,/ о часе преставления твоего видением  
известуется/ и свидетель верен о твоём от Бога про-  
славлении абие бывает./ И на мне убо твоея молитвы  
силу покажи, Христов угдиче,/ и тою от мучи-  
тельства страстей свободи мя.

**Богородичен:** Всеввятая Дево, Бога Слова рождающая  
плотию,/ души моея мрак Твоими молитвами от-  
гнавши, просвети зывающая:/ благословите, вся дела  
Господня, Господа.

### Песнь 9

**Ирмос:** *Рождество Твое нетленно явися:/ Бог из боку  
Твоею пройде,/ яко Плотносец явися на земли/ и с  
человеки поживе.// Ты, Богородице, тем вси величаем.*

**Люби** николиже отпадает, глаголет Божественный  
Дух./ Истина сия в чудесах любви твоея известия,



святителю Христов, / яко болящим исцеление и скорбящим утешение от твоих нетленных мощей источаеши.

**Южский** Российския земли предел благодарений о чудесах твоих исполнися издревле, / ныне же и от дальних стран северных притекающая зрим / и исцеленная страдалцы, о твоём заступлении радующиеся.

**Дети** страждущия паче иных возлюбил еси, святителю Христов, / тем исцеления и благодатную помощь умножая / и родители их от скорби к радости пременяя.

**Елиссея** пророка костей прикосновением воста умерый, / твоих же мощей целованием безчисленнии исцелишася людие. / И мене убо припадающая исцели от греховных страстей / и веру укрепи многогрешныя души моя, отче преподобне.

**Христе** Боже, молитвами Иоасафа, угодника Твоего, / мир Церкви подаждь и благостояние, / от глады же и пагубы избавление и согрешений наших прощение.

**Богородичен:** Плод чрева Твоего, Радость рождающая, / содея ликостоятеля песнь пети Тебе велегласно: / радуйся, провещаваеши.

### Светилен.

**Подобен:** Жены, услышите:

**Светильник** светлый Иоасаф да воспоеется посреде Церкви, / яко инок преподобен и святитель честен, / немудрых наказатель и веры учитель, / болящих врач чудотворяй, бесов изгонитель / и о вселенней представитель теплейший.

### Слава, и ныне, Богородичен:

**Велие** и преславное Рождества Твоего таинство, Богорадованная Отроковице и Богомати Дево, / пророцы проповедаша, апостоли научиша, мученицы исповедаша, / Ангели же воспевают, и человецы поклоняются.

### На хвалитех стихиры на 4, глас 4.

**Подобен:** Яко добля:

**Святителя** Господня образ / целующе, вернии, / очисти себе от скверны / плоти и духа / и памятью чудес его / сердца наша умили, / в покаянии тепле зовуще Христу: / Господи, угодника Твоего молитвами // вложи в нас тому подражати желание.

**Никто́же тощ от тебе́ исхо́дит,/ свя́тителю Бо́жий Иоаса́фе,/ и исцеле́ние те́ла и ду́ши освяще́ние/ всяк прие́млет,/ а́ще с ве́рою по́мощь твою́ призовет/ и, о гресе́х сво́их пока́ние прино́ся,/ жити́е своё испра́вити потщи́тся./ Тому́ у́бо и нас научи́, свя́те, // и моли́тву сотвори́ о спасе́нии душ на́ших.**

**Слезáми умиле́ния/ ли́ца сво́я ороша́юще, ве́рнии,/ целу́им уго́дника о́браз честный́,/ я́ко ре́ку чуде́с и исцеле́ний исто́чник неоску́дный,/ я́ко Божество́вныя си́лы зна́мение ясней́шее,/ е́же в на́ша малове́рная вре́мена/ в сердца́х ве́ру умножа́ет,/ неве́рныя же к ве́ре возво́дит // и свя́тителя Бо́жия чтíti всех научáет.**

### **Сла́ва, глас 8:**

**О, пресла́внаго чуде́се!/ О, Божество́внаго к нам греш́ным долготерпе́ния!/ Я́ко умно́жившимся собла́зном на земли́ и ве́ре зело́ умáленной,/ чуде́сная умножа́ются свя́тителя исцеле́ния./ Зри́те у́бо, лю́дие росси́йстии/ и вся ве́рная Христо́вы Це́ркве ча́да,/ коли́ко мо́жет моли́тва пра́веднича,/ ка́ко дре́вних чуде́с подо́бие днесь нам явля́ется./ Сла́ва Тебе́, Христе́ Бо́же,/ я́ко Ты еси́ святы́ми чудоде́йствуяй;/ сотвори́ ны досто́йны толи́кия благода́ти бы́ти,/ слы́шатели и свиде́тели чуде́с свята́го Иоаса́фа су́щия,/ и изба́ви нас от безме́рных грехо́в, // и ра́дость спасе́ния Твоего́ пода́ждь нам.**

### **И ны́не, Богоро́дичен, глас то́йже:**

**Влады́чице, приими́ моли́твы раб Тво́их, // и изба́ви нас от вся́кия ну́жды и печа́ли.**

### **Славосло́вие вели́кое, и отпу́ст.**

### **На Литурги́и служба́ вся свя́тительская́.**

В этот день воспоминается обретение мощей и прославление **святого Иоасафа Белгородского** в лике святых, совершившееся 4 сентября

1911 года. Житие и иконописную прорись святого смотри 10 декабря (Минея декабрь. Ч. 1. С. 359–361).



**Празднование Пресвятѣй Владычице Богородице  
ради иконы Ея, именуемая  
«Неопалимая Купина»**

**НА ВЕЧЕРНИ**

**На Господи, воззвах: стихиры на 8, глас 2.**

**Подобен: Егда от Древа:**

**П**риидите, вернии, с любовию к горѣ святѣй/ и тамо  
узрим видѣние Божественное,/ егбже великий во  
пророцех Моисей Боговидец нам таинственно возве-  
щает,/ како купина горяше огнем и неопалима бысть,/  
сим проявляющи образно велию и непостижимую  
тайну/ безсеменнаго Рождества Твоего, Богородице./  
Яко Огнь Божества неопалимо в ложеснах Твоих вме-  
стила еси/ и по Рождестве ключи девства невредимо  
сохранила еси./ Темже ублажаем Тя вси роди, // яко  
рождшую Спаса и Избавителя душ наших.

**П**ребываеши в Рождестве и по Рождестве Дева,/  
огнем неопалимая купины древле прообразованная  
Моисеови, Богородительнице,/ и созываеши верных  
соборы/ иконы Твоея честное явление благохвалити  
в песнях духовных./ Яко в ней залог благоволения  
Твоего роду христианскому даровала еси/ в покров  
и защиту от огненнаго запаления и молниеноснаго  
грома./ Се бо и на иконе зряще Тя, в подобии неопали-  
мая купины изображенную,/ дары благодати Твоея от  
нея неоскудно приемлем/ и Тя ублажаем по долгу, //  
яко рождшую Спаса и Избавителя душ наших.

**П**ламень страстей наших угашаеши молитвою Твоею,  
Богородице Дево,/ представляюще за нас непре-  
станно у Престола Сына Твоего и Бога нашего,/ яко  
войстину велие дерзновение имаши к Немю/ и ничто-  
же невозможно есть ходатайству Твоему./ Ибо самой  
иконе Твоей дарова Он силу Божественную/ совершати  
многая и предивная чудеса,/ сими уверяя нас,/ яко  
никтоже прибегаяй к покрову заступления Твоего  
посрамлен отыдет./ Сего ради поем молитв Твоих силу/  
и ублажаем Тя, Надеждо христиан, // рождшую Спаса и  
Избавителя душ наших.

**Подáждь по́мощь Твою́ держáвную нам, Богорóдице,/ егда́, грех рáди нáших,/ óгненнаго запалéния наказáние на нас при́дет внеза́пно/ или́ грóми и мо́лнии с небесе́ нас устрáшат./ Тогда́ ико́ною Твоею́ свято́ю нас за́щити́ и избáви/ и яв́ися Утоли́тельница гнéва Бóжия, на нас пра́ведно подв́иженнаго./ Мнóго бо мо́жет Мáтерняя моли́тва ко Творцу́,/ и всесильно ходáтайство Твое́ пред Лице́м Всевы́шняго,/ Егóже умоля́ти не преста́й за род христиáнский,/ и́же в пéснях немóлчных ублажа́ет Тя, // рóждшую Спа́са и Избáвителя душ нáших.**

**Сла́ва, и ны́не, глас то́йже: Прейде сень зако́нная:**

**Вход. Прокíмен дне. Чтéния три.**

**Быти́я чтéние: Изы́де Иа́ков от студенца́ кля́твеннаго: (зри страни́цы 233–234).**

**Исхо́да чтéние (глава́ 3):**

**Вни́де Моисе́й в го́ру Бóжию Хорив./ Яв́ися же ему́ А́нгел Господень в пла́мени óгненне из купины́,/ и ви́де, я́ко купина́ горя́ше огне́м и купина́ не сгара́ше./ Рече́ же Моисе́й:/ прише́д узрю́ видéние вели́кое сие́,/ что́ я́ко не сгара́ет купина́?/ Я́коже ви́де Господь, я́ко присту́пает ви́дети,/ призва́ егó Господь из купины́, глаго́ля: Моисе́е, Моисе́е!/ Он же рече́: что́ есть?/ И рече́: не прибли́жися се́мо,/ изсу́й сапо́г от ногу́ твоёю,/ ме́сто бо, на нёмже ты стои́ши, земля́ святá есть./ И рече́ ему́:/ Аз есмь Бог отца́ твоегó,/ Бог Авраáмов, и Бог Исаáков, и Бог Иа́ковль./ Отврати́ же Моисе́й лице́ своё́,/ стыдя́ше бо ся зрéти пред Бóгом./ Рече́ же Господь к Моисе́ю:/ ви́дя ви́дех озлоблéние люде́й Мои́х, и́же во Египте́,/ и вопль их услы́шах от насильству́ющих в де́лех;/ вем бо болéзнь их, и снидóх, е́же изъя́ти их от руки́ египтян,/ и извести́ их от земли́ óныя,/ и ввести́ их в зéмлю бла́гу и мно́гу,/ в зéмлю, точáщу мед и млеко́.**

**Проро́чества Иезеки́илева чтéние: Та́ко глаго́лет Господь: бу́дет от дне осма́го и прóчее: (зри страни́цу 234).**

**На литии́ стихи́ры, глас 6. Самогласны:**

**Я́ко войи́стину дрéвняго киво́та честне́йшая/ яв́ися святáя ико́на Твоя́, Богорóдице Влады́чице,/ на нейже**

божественнаго лика Твоего подобие созерцаем./ На руку бо Твоею Богомладенца Предвечнаго,/ Господа Иисуса Христа, держиши,/ Ангелов и человеков Творца,/ и всему миру являеши/ из Тебе безсеменно воплощагося Бога Слова,/ Ему же раболепно кланяющися,/ песнословим Тя, воистину Богородицу,/ и молим Ти ся прилежно:/ умири мир и спаси души наша/ Матерним представительством Твоим к Рождшемуся от Тебе, // едина Благословенная.

**Предстоят** честней иконе Твоей христоролюбивии людие/ и с любовью ей поклоняются, Богородице Владычице,/ почерпающе обильныя от нея дары щедрот Твоих:/ в недугех врачество, в бедах избавление,/ в скорбех утешение,/ ибо всем вся благая и душеполезная даруеши/ с верою просящим пред пречистым образом Твоим./ Сего ради сердцем и усты благоговейно лобызаем/ Божественнаго лика Твоего подобие/ и молим Ти ся прилежно:/ умири мир и спаси души наша/ всеильными молитвами Твоими к Рождшемуся от Тебе, // едина Благословенная.

**Первое** написавшейся иконе Твоей/ божественным Евангелистом Луккою/ и к Тебе принесенней, Богородице Владычице,/ благоволила еси о иконе сей, яко милостива сущи,/ и, благословивши ю,/ рекла еси со властью:/ с сим образом благодать Моя и сила./ И воспела еси, радуящися,/ якоже и Бога вегда носила еси во чреве,/ песнь пророческую:/ се от ныне ублажат Мя вси роди./ Темже, видяще с гласом действо чудес множества,/ от иконы Твоея явленное и присноявляемое по всей вселенней,/ немолчными славословении Тя ублажаем/ и молим Ти ся прилежно:/ умири мир и спаси души наша/ благоприятным ходатайством Твоим к Рождшемуся от Тебе, // едина Благословенная.

**Гора** еси великая и преславная/ паче горы Синайския, Богородице Владычице:/ та бо, не терпящи снития Славы Божия,/ огнем возгарашеся, и громи и молнии тамо быша./ Ты же Огнь Божества, Бога Слова,/ неопально во чреве Твоем вместила еси/ и млеком питала еси Питателя вселенных./ К Немуже дерзновение Матернее имущи,/ спасай от бед верно празднующия Твой честный праздник,/ в немже песнословим

милости Твоя и щедроты/ и молим Ти ся прилежно:/ умири мир и спаси души наша/ Божественным молением Твоим к Родившемуся от Тебе, // едина Благословенная.

### Слава, и ныне, глас 8:

Паче скинии Моисеевы, по образу Небесному сотворенная, / всю Тя Бог освятит, Богородице, / и паче Аарона кивота исполни благодати Божия изобильно, / еяже и икона Твоего подобия причастна показася, / источает бо освящение и цельбу душам и телесем человеческим / и уставляет силу огненную присутствием своим. / Ейже с любовью поклоняющася, / просим, Всеблагая, и вопием: / огня временнаго и вечнаго избави нас, // Благословенная Помощнице.

### На стиховне стихиры, глас 6:

Величаем Тя, Богородице Дево, / возвеличившую род наш: / из Тебе бо воплотися Избавитель падшаго человечества, / Имже Адам и Ева клятвы свободишася / и от мрачных долей адских во Едем паки введошася, / сый Бог наш, // спасаей присно Тя величающия.

**Стих:** Слыши, Дщи, и виждь, // и приклони ухо Твое.

Величаем Тя, Богородице Дево, / Заступницу усердную рода христианскаго, / покровом милости Твоея покрывающую всю вселенную. / Се бо икона Твоя святая чудес множество источает / и, яко утварь драгая, Церкви Христовой даровася благостию Творца, / всельшагося в Тя плотию и прославльшаго Тя славою Божества. / Из Тебе бо воистину, а не привидением / воплотися Сый Бог наш, // спасаей присно Тя величающия.

**Стих:** Лицу Твоему помолятся // богати людстии.

Величаем Тя, Богородице Дево, / яко одушевленный кивот Божества, / пении хвалебными чествуем Тя, / едину Избранную и Благословенную в женах: / ложесна бо Твоя престол Себе сотвори / Сый Бог наш, // спасаей присно Тя величающия.

### Слава, и ныне, глас тойже:

От святых икон Твоей, / Владычице Преплагая, / исцелений струи истекают, / имиже напаяются благодатно души наша / и врачуются безмездно телеса наша;

тѣмже Тя, Целѣбницу милостивую, // присно в пѣснях величаѣм.

**Тропáрь, глас 4:**

**И**же во огнѣ купинѣ неопалимая, дрѣвле Моисѣем виденная, / тайну воплощения Своего от неискусобрачныя Дѣвы Маріи Прообразавый, / Той и ныне, яко чудес Творец и всея твари Создатель, / икону Ея святую чудесы многими прослави, / даровав ю верным во исцеление недугом / и в защищение от огненнаго запаления. / Сего ради вопиѣм Препоблагословенней: / надеждо христіан, от лютых бед, огня и грома избави на Тя уповающія // и спаси души наша, яко милосерда.

**Ин тропáрь, глас тойже:**

**И**же в купинѣ, огнем горящей и негараемей, / показавый Моисѣови пречистую Твою Матерь, Христѣ Бже, / Огнь Божества неопальне во чреве приемшую / и нетленну по Рождествѣ пребывшую, / Тоя молитвами пламене страстей избави нас / и от огненных запалений град Твой сохрани, // яко Многомилостив.

**НА УТРЕНИ**

**На Бог Господь: тропáрь Богородицы, трижды.**

**По 1-м стихословии седален, глас 4.**

*Подобен: Явился еси днесь:*

Явился в огнепальной купинѣ на Синаи / Твоего, Владычице, нетленнаго Рождества прообраз, / якоже богословцы Цѣркве Христовой богомудренно исповѣдуют. / Купина бо, огнем горѣвшая, неопальна пребываше. / Тако и Ты Огнь Божества во чреве Твоем неопальне носила еси, / воплощагося от Тебѣ Бога Слова, / Егоже моли спастися нам, поющим Тя.

**Слава, и ныне, тойже.**

**По 2-м стихословии седален, глас 4.**

*Подобен: Удивися:*

Удивися боговидец Моисей, видев купину, огнем горящу и негараему, / и утрашися Божественнаго тайноявления, / в немже благоволи Господь / воплощения Своего от Дѣвы неискусомужныя прообраз миру

явити,/ яко в послѣдняя лѣта, спасти хотя падшее  
человѣчество,/ плоти дебелством Божества Своего  
славу сокрыет/ и с нами поживет, спасаая души наша  
от погѣбели вѣчныя.

**Слава, и ныне, тойже.**

**По полиелѣи седален, глас 6.**

**Подобен: Ангельския Силы:**

**Ангельския Силы** боголѣпно Тебѣ служат, Небесе и  
земли Царице Богородице,/ и Твой пресвятый образ  
обстоят невидимо./ Тех бо Творца и Господа воплотила  
еси и на руку Твоею, яко Младенца, носила еси,/ Иже  
горняя с дольными совокупѣи и Ангелы с человеки  
ликовствовати устрои,/ поющия во гласех радования  
Твое нетленное Рождество.

**Слава, и ныне, тойже.**

**Степенна, 1-й антифон 4-го гласа. Прокимен, глас 4:**  
**Помяну имя Твое**// во всяком роде и роде. **Стих: Слыши,**  
**Дщи, и виждь, и приклони ухо Твое. Всякое дыханье:**  
**Евангелие от Луки, зачало 4.**

**По 50-м псалме стихира, глас 2:**

Веселится днесь гора Синайская и светло торже-  
ствует,/ Матери Господни светоносное празднество  
совершающаи на месте том,/ идеже неопалимая купина  
великим во пророцех Моисеем видена бысть./ Зде бо  
и до ныне благодать Божия обитает/ и чудес множе-  
ство являет верным,// благочестно Богородицу в песнях  
величающим.

**Канон, глас 8.**

**Песнь 1**

**Ирмос: Воду прошед, яко сушу,/ и египетскаго зла**  
**избежав,/ израильтянин вопияше:// Избавителю и**  
**Богу нашему поим.**

Ум помраченный мой просвети, Дѣво,/ огненосным  
сиянием Твоея славы,/ память, в славословии изне-  
могающую, укрепи/ и воспламени хладное мое сердце  
Божественною любовью,/ да Тебѣ, Купинѣ Неопалимѣй,  
пѣние хвалѣбное воспою достойно, Чистая.



**Храм Трисóлнечнога Свѣта прекраснѣй,**/ украси  
моя чѹвства, молюся,/ да целомудренною мѣслию и  
несквѣрными усты/ огнезрѣчныя иконы Твоея явлѣние  
воспою достойно, Чѣстая.

**К** Твоей пресвѣтлаго зрака иконѣ припадаю, окаян-  
ный:/ дѹшу мою озари благодѣтно, яви и тѣло несквѣрно/  
и, от лютых мя недѹгов свободѣвши,/ покажи причѣсти-  
ника наслѣдія Небѣснаго, Богоневѣстная.

**Недѹгующа** страстѣми многоразличными,/ от иконы  
Твоея Божѣственныя исцелѣнія сподоби мя, о Богомѣти  
Владѣчице,/ да славлю чудеса Твоя и пою Тя, благѣх  
винóвную,/ Вѣчную Благость воплотѣвшую, мѣра бла-  
гую Застѹпницу.

### Песнь 3

**Ирмос:** *Небѣснаго крѹга/ Верхотворче, Гóсподи,/ и  
Цѣркве Зиждителю,/ Ты мене утверди в любви  
Твоей,/ желаний Краю, верных Утверждение, // Едино  
Человеколюбче.*

**Низложи** налоги бесовския, стужающія мне, Владѣ-  
чице,/ гóрдость в добродѣтели, лицемѣрие в святости,  
тщеславие во бдѣнии,/ высокоумие в благоговѣнии и  
неблагодарность о благодѣяніих Сына Твоего,/ едина  
Всепѣтая Дѣво.

**Странна** мя любочѣстія сотвори, молю Тя, Дѣво,/ и  
чѹжда любопытства о человѣческих согрѣшеніих,/ дер-  
зость и излишнее на мѣлость Сына Твоего упованіе  
отдали от мене,/ да достойны Емѹ плоды принесу, едина  
Пречѣстая.

**Начало** от земли приѣмшую хѹдость моего естест-  
ва познавая,/ молю Тя, Дѣво, даждь ми презрѣние  
славолюбія, бѣгство человѣческа хвалы,/ познание  
сóбственнаго грѣха и сóбственныя нѣмощи,/ едина  
Богоблаженная.

**Краткий** всех вещей и всего мѣра конец,/ смѣртный  
час и мучѣние бѹдущее за суетѹ деяній тщеславных/  
помышляти сподоби мя, Дѣво,/ да благодѣтію Сына  
Твоего к путѣ истиннаго покаянія наставлен,/ вѣчнаго  
избѣгну проклѣтія, Пренепорочная.

### Седáлен, глас 8:

**Величія** Твоя кто исповѣсть, Богорóдице?/ Явлѣнием  
бо огнезрѣчныя иконы Твоея возвеселила еси дѹши

правосла́вных, / мно́гия недуги́ ёю́ врачующи, от огня́ же и гро́ма защища́ющи / и́же по Бо́же на Тя упова́ние возлага́ют. / О Всеми́лостивая Влады́чице, не лиш́и у́бо и нас Твоего́ заступле́ния, / спаси́ правосла́вных христиа́н от всякаго́ зла, / да Тобо́ю хва́лящися, не постыди́мся во ве́ки.

#### Песнь 4

**Ирмо́с:** *Услы́шах, Го́споди, / смотре́ния Твоего́ та́инства, / разуме́х дела́ Твоя́ // и просла́вих Твое́ Божество́.*

**Жестоко́сёрдием** отягче́ннаго мя облеги́, / немилосе́рдием к тре́бующим окамене́нную утробу́ мою́ умягчи́, / бу́рею сребролю́бия объята́го мя ути́ши, / во огни́ неопали́мая купины́ прообразова́нная Влады́чице.

**Во упова́нии** тле́нных и вре́менных веще́й не оста́ви мя / и пла́мень хище́ния непра́веднаго угаси́ во мне пла́менем огня́ Божество́ннаго, / Неопали́мая Купина́ явля́ющаяся, Богоневе́стная Влады́чице.

**Идолослуже́ние** в лихоиме́нии и заблужде́ние от и́стиннаго благоче́стия и правосла́вныя ве́ры / потреби́ от мене́, Влады́чице, и не попусти́ мя па́сти падением ерети́ческим, / да восхваля́ю и́мя Твое́ благослове́нное до кончи́ны живота́ моего́ в Правосла́вии непоро́чно, / еди́на Присноде́во.

**Ум мой,** молю́ Тя, Богоро́дице, благоустро́й к позна́нию ве́чных и́стин Христо́ва Ева́нгелия, / к рассмотре́нию тле́нности вре́менных благ напра́ви мой по́мысл / и щедролю́бие да́руй ми неоску́дное, / да благода́тию Христо́вою укра́шен, пою́ Тя, еди́на Присноде́во.

#### Песнь 5

**Ирмо́с:** *Просвети́ нас повеле́нии Твои́ми, Го́споди, / и мьшцею́ Твоею́ высо́кою / Твой мир пода́ждь нам, // Человеколю́бче.*

**Огнь** нечисто́ты и вся́кия скве́рны во мне, безсту́днем, / мо́рем бла́гости Твоея́ пото́пи, и мглу́ грехо́вную разжени́, / и се́рдце мое́ ра́дости испо́лни, Всенепоро́чная.

**Срамосло́вию** безобра́зному не даждь во мне ме́ста, Влады́чице, / селе́ние собла́знов замени́ в души́ мое́й зрени́ем со́бственных грехо́в, / храм мя чисто́ты и цело́му́дрия соде́лай, / да нескве́рными усты́ велича́ю Тя вь́ну, Всенепоро́чная.

**С**мерть, суд и мучения вечныя, грѣшником уготованная, в памяти моей углуби, Владычице, / да понѣ последняя сия в памяти содержи, / люта я беззакония оставлю и плоды покаяния истиннаго принесу, / величая Тя присно, единого души моея упование.

**Любовь** сея жизни излишнюю и плотскаго покая рачение / отложи от мене, молю Тя, Дѣво Чистая, / да суетных попечений избѣг, Тобою получу нетленное на Небеси богатство, / единого души моея Покровительнице.

### Песнь 6

**Ирмос:** Молитву пролию ко Господу / и Тому возведу печали моя, / яко зол душа моя исполнися / и живот мой аду приблизися, / и молюся, яко Иона: // от тли, Боже, возведи мя.

**Радости** суетныя, к преогорчению ближняго приводящая, чужда мя содейлай, / Купино Неопалимая верными именуемая, Пречудная Царице, / даждь ми сопечаловатися искреннему моему в бедствиих, Человеколюбивая Владычице, / и памятозлбия избави мя, прилежно молю Тя, Всенепорочная Дѣво.

**Зависти** в помысле моем не даждь вкоренятися, / видением нестаряемая купины прообразованная Моисею и рождаемая от корене свята, Дѣво, / и брато-ненавидения избави мя, Чистая, / да не злобою мрачною осквернен быв, / лишуся Божия благодати и жизни вечныя, Всенепорочная Владычице.

**Терпение** в бедах утверди во мне, Всечистая, / с радующимися духовную радость, к сетующим сожаление даруй ми, Пресвятая, / и братолюбие низпосли мне свѣще, Любве Пучину рождающая Дѣво / и любовь великую присно являющая роду христианскому.

**Желание** крайнее согрей во мне всякому ближнему от души благотворити, Благая, / да не како злоб лютых душа моя исполнится, и живот мой аду приблизится, / и предан буду без милости, яко несотворивый милости, во тьму кромешнюю, / Всенепорочная Бого-невѣсто.

### Кондак, глас 8:

**П**редочистим чувства душ и телес наших, / да видим таинство Божественное, / образно явленное древле великому во пророцех Моисею купиною, / горевшею

огнём и не старавшею,/ в нейже Твоего безсеменнаго Рождества, Богородице, предвозвещение исповедуем/ и, благоговейно покланяющися Тебе и рождшемуся от Тебе Спасу нашему,/ со страхом вопиём: радуйся, Владычице//, покрове, и прибежище, и спасение душ наших.

### Икос:

**Провидя** дивный Моисей в неопалимей купине на Синаи тайну, от века утаенную,/ Безлётнаго, в лете родитися восхотевшаго, рождение от Чистыя и Неискусобрачныя Девы,/ ужасом содержимь, вопияше:/ Сия земля воистину святая есть,/ яко Плод спасительный миру из Нея произыдет,/ Имже горесть падения Адамова усладится./ Сего послушая, и мы, тайнства Божия событие познавшии,/ ублажаем Тя, Богородице, возвеличившую падшее человечество/ и милосердием неизреченным призревающую на род христианский,/ темже и зовем Ти:// радуйся, Владычице, покрове, и прибежище, и спасение душ наших.

### Песнь 7

**Ирмос:** *От Иудеи дошедше, отроцы/ в Вавилоне иногда/ верую Троическою пламень пещный попраша, поюще:// отцев Боже, благословен еси.*

**Веселие** мирское пресецы и душетленное пристрастие умертви во мне, Дево,/ презрение временных, желание вечных благ и нетленную радость подаждь ми с поющими:/ отцев Боже, благословен еси.

**Безчинное** веселие и излишество, ум вредящее, душе скверну раждающее, отлучи от мене, Дево,/ и сподоби во здравии душевном и телесном духовнаго утешения наслаждаться с поющими:/ отцев Боже, благословен еси.

**Грехом,** смерть лютую раждающим, оскверних душу мою,/ но Ты, Пречистая Владычице, огнезрачная и неопалимая Купина явльшиися,/ тину страстей моих изсуши огнём Божия благодати и настави мя на богоугодное житие,/ украси же воздержанием и целомудрием и даждь ми чистым сердцем пети:/ отцев Боже, благословен еси.

**К** Твоей огнезрачной иконе взирая, молю Тя, Владычице,/ омраченного мя самолюбием светом зрака

Твоего просвети/ и, похоти плотския укротивши во мне, огнём Божия любви хладное сердце моё воспламени,/ да Рождшемуся от Тебе достойно возмогу пети:/ отцев Боже, благословен еси.

### Песнь 8

**Ирмос:** Царя Небеснаго,/ Егоже поют вси ангельстии, // хвалите и превозносите во вся веки.

Возмущение души моей утоли, Всенепорочная,/ от клеветы наветующих избави мя,/ вражду греховную во мне укроти и ненависть мрачную отврати от мене, Дево,/ да прославляю Тя, Чистая, во веки.

Огонь ярости, во мне zelo разжженный, росью благодатных молитв Твоей угаси,/ хулу, умножающую души моей озлобление, и всякий вид злобы, гнездящийся в сердце моём, искорени, Дево,/ да Тя прославляю, Чистая, во веки.

Образ Христов евангельскими добродетельми напиши в души моей, Богоблагодатная,/ укрепи и утверди мя во всяком деле блазе, от всякия же злобы отврати сердце моё,/ да мирными усты прославляю Тя, Чистая, во веки.

Кротким оком Твоим виждь моё смирение, Пренепорочная Богоневесто,/ и приклони ухо Твое к молитве сердца моего,/ кротостию и незлобием благоукаси мя, помраченного безобразием злобных страстей,/ и сотвори причастника блаженства, кротким обетованного,/ да радуясь прославляю Тя, Чистая, во веки.

### Песнь 9

**Ирмос:** Воистину Богородицу/ Тя исповедуем,/ спасеннии Тобою, Дево Чистая, // с безплотными лики Тя величающе.

Скорби сердца моего утиси, Радосте скорбящих,/ уныние душегубительное отыми от мене, Утолильнице печали,/ и леность ко разысканию добродетелей искорени во мне, Вызкание погибших,/ да Тебе, Дево Чистая, непрестанно величаю.

Малодушием болезнующаго мя оживи, Целительнице болящих,/ отчаянием падшаго мя возстави, Одигитрие заблуждших,/ грехми умерщвленнаго мя воскреси, Споручнице грешных,/ да Тебе, Дево Непорочная, непрестанно величаю.

**У**сърдие во мне творити волю Божию возбуди/ и ревность ко славе Божией воспламени в сердце моем,/ Купино огнезрочная и неопалимая,/ и благоговейна слугителя Христова содейай мя, Дево,/ Предводительнице моего спасения.

**С**лезами покаяния и умиления иссохшую в знои страстей душу мою умягчи, яко руну орошенное Гедеона,/ и сокрушение к исправлению даждь ми, Дево,/ да вечная блага унаследую и с лики избранных Божиих воспую Тя,/ Ходатаицу моего спасения.

### Светилен:

**И**коне Твоей всечестную в залог благоволения Твоего верным даровала еси, Владычице,/ покрываючи и сохраняючи ею от огненного запаления на Тя уповаючи./ О Мати Царя Христа Бога, буди и нам, грешным,/ прибежище спасения в нечаянных бедах и Ходатаица вечныя жизни.

### На хвалитех стихиры на 4, глас 6:

**О**, великия благодати/ и неисчетнаго милосердия Твоего, Владычице!/ Удивляеши нас преславными чудесы,/ иже исходит икона Твоя святая,/ во образе неопалимыя купины Тя изображающая/ и огненного естества силу укрощающая/ силою Твоею Божественною./ Юже с веселием приемлюще,/ Тя, Чистую Богоотроковицу, // достолично песнями почитаем и ублажаем.

**О**, благосердаго Твоего/ о нас промышления, Владычице!/ В годину бед и обстояний,/ егда внезапное запаление огненное/ обьет жилища наша,/ чудную икону Твою/ посылаеши нам в помощь и защиту/ и ею укрощаеши свирепство огня,/ яко Мати сущи/ стихиями обладающего Владыки Христа./ Темже велегласно проповедуем Твоя чудеса/ и милость многу к роду христианскому/ и песнями хвалебными// немолчно Тя величаем и ублажаем.

**О**, преславнаго чудесе!/ Како огнезрочная икона Твоя, Владычице,/ огня силу угашает/ и светлыми лучами Божия благодати/ умы просвещает и сердца веселит?/ Воистину бо торжество благочестия/ явление иконы Твоей познавающе,/ празднуем сие в песнях

духовных радостно/ и Тя, Богоблагодатная Дѣво, Виновницу радости нашея, // славословлѣнія гласы восхваляем и ублажаем.

**Слава, и ныне, глас тойже:**

**О** чудо чудес,/ Богоневѣстная Мати и Дѣво!/ Чудотворити не престаеши и ныне/ иконою Твоею пречестною,/ отраду и утешение ею даруеши/ странником земным в юдоли скорби и плача./ Из Тебѣ бо воплотися/ Обновитель падшаго естества человека,/ сый Бог наш,/ даровавый нам Тебѣ в покров и защиту,/ Иже слышит молитву Твою,/ за нас приносимую,/ и преклоняется к молению Твоему Матернему,/ егда умоляеши благодать Его за люди согрешившия./ Темже не претай, благосердая Владычице,/ предстательствовати за вся ны, чтущия Тя, // яко воистину еси Ходатаица непостыдная нашего спасения.

**Славословіе великое, ектений и отпу́ст.**

**НА ЛИТУРГІИ**

**Блаженны от канона, песни 3-я и 6-я. Прокимен, глас 3, песнь Богородицы:** Величит душа Моя Господа, // и возрадовася дух Мой о Бозе, Спасе Моём. **Стих:** Яко призре на смирение Рабы Своея, се бо от ныне ублажат Мя вси роди. **Апостол к Филипписим, зачало 240.** Аллилу́ия, глас 8. **Стих:** Слыши, Дщи, и виждь, и приклони́ ухо Твое. **Евангелие от Лукы, зачало 54.** **Прича́стен:** Чашу спасения прииму́:

**Молитва**

**О** Пресвятая и Преблагословенная Мати Сладчайшаго Господа нашего Иисуса Христа! Припадаем и поклоняемся Тебѣ пред святою и пречестною иконою Твоею, еюже дивная и преславная чудеса содеваеши, от огненного запаления и молниеноснаго грома жилища наша спасаеши, недужныя исцеляеши и всяко благо прошение наше во благо исполняеши. Смиренно молим Тя, всеильная рода нашего Заступнице: сподоби ны, немощныя и грешныя, Твоего Матерняго заступления и благопопечения. Спаси и сохрани, Владычице, под кровом милости Твоея Церковь святую, град сей **(или: весь сию, или: обитель сию)**, всю страну нашу православную и вся ны, припадающия к Тебѣ с верою

и любóвию и со умилёнными слезáми Твоегó заступлénия просящия. Ей, Господжé Всемíлостивая! Умилосёрдися на нас, обуреваемы́х грехí многими и не имущих дерзновénия ко Христу́ Господу просíти Егó о помиловании и прощénии: Тебé ўбо предлага́ем к Немú на умоленíе, Мáтерь Егó сущюю. Прострí к Немú, о Всеблагáя, богопрíимней рúце Твоёй и предстáтельствуй за нас пред Егó блáгостию, просящи нам прощénия прегрешénий нáших, благочéстнаго мíрнаго жити́я, благíя христиáнскаго кончíны и дóбраго отвéта на стра́шнем судé Егó. В час же грóзнаго посещénия Бóжия, áще огнём возгорáтся дóмове нáши, áще ли молниенóсным грóмом устрашáеми бúдем, яví нам мíлостивное Твоё заступлénие и держáвное вспомо́жение да спаса́еми всесíльными Твоими́ ко Господу моли́твами, вре́меннаго наказáния Бóжия zde избéгнем, вéчное же блажénство райское тáмо унаслéдуем и со всéми святы́ми воспоём пречестнóе и великолéпое íмя покланя́емя Трóицы, Отцá и Сына и Свята́го Дúха, и Твоё вéлие к нам милосёрдие, во вéки векóв. **Амíнь.**

Празднование в связи с явлением **иконы Божией Матери «Неопалимая Купина»** установлено ради памяти святого пророка и боговидца Моисея, которому в явлении горящей и негораемой купины (куста) было предвозвещено бессеменное воплощение Сына Божия от Приснодевы Марии. Иконы «Неопалимая Купина» находятся во многих храмах. Особым почитанием пользовались две иконы, находившиеся в московской церкви в честь Неопалимой Купины. В этом

же храме находилось особое последование с указанием, что «служба сия поется во святей горе Синайской, егда кто произволит, егда бывает молния страшна». Это указание объясняет ревностное почитание образа Божией Матери «Неопалимая Купина» русским народом, который прибегает к предстательству Божией Матери через эту икону во время страшных опустошительных пожаров, творя по последованию особый чин.

